



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: _____

Datum: _____

- PRIJEDLOG -

Na osnovu člana 40. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 86/07, 24/09 i 45/10) 14. Statuta Općine Tešanj ("Službeni glasnik općine Tešanj", broj 11/07) Općinsko vijeće općine Tešanj, na prijedlog Općinskog načelnika, na svojoj ____ redovnoj sjednici, održanoj dana _____ 2015. godine, donosi

**ODLUKU
o kreditnom zaduženju
Općine Tešanj za realizaciju kapitalnih projekata**

Član 1.

Ovom Odlukom Općinsko vijeće Tešanj odobrava kreditno zaduženje Općine kod komercijalne banke unutar BiH za projekt uređenja starog gradskog jezgra (Titova ulica i Ulica 1. marta) u iznosu do 510.000,00 KM pod sljedećim uslovima:

- rok otplate: do 2 godine (24 mjeseca);
- kamatna stopa: do 5% fiksno;
- troškovi obrade kredita: do 0,5% od iznosa kredita;
- dospjeća: mjesečne tranše, bez grejs perioda.

Član 2.

Ovlašćuje se Općinski načelnik da putem javne nabavke u skladu sa odredbama Zakona o javnim nabavkama (Službene novine BiH, broj: 39/14) izvrši odabir i sklapanje ugovora o kreditnom zaduženju sa najpovoljnijim ponuđačem – odabranom komercijalnom bankom unutar BiH.

Član 3.

Za izvještavanje i realizaciju ove Odluke zadužuju se Općinski načelnik.

Član 4.

Ova Odluka stupa na snagu danom donošenja, i objavit će se u Službenom glasniku Općine Tešanj.

**PREDSJEDAVAJUĆI
OPĆINSKOG VIJEĆA
Senad N. Subašić, dipl.oec.**

O b r a z l o ž e n j e

I PRAVNI OSNOV

Pravni osnov za donošenje ove Odluke sadržan je u člana 40. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 86/07 i 24/09) i član 14. Statuta općine Tešanj ("Službeni glasnik općine Tešanj", broj 11/07).

II RAZLOZI ZA DONOŠENJE ODLUKE

Proširenjem obuhvata I faze gradnje kanalizacionih kolektora u Tešnju na zonu Titove ulice i Ulica 1. marta, koja je planirana za 2015. godinu, stvaraju se uslovi za uređenje starog gradskog jezgra za što je neophodno obezbijediti dodatna finansijska sredstva. Radovi vezani za gradnju kolektora obuhvataju postavljanje mreže i dovođenje ulica i javnih površina u prethodno stanje. Ukoliko se ne bi pristupilo konačnom uređenju u ovoj fazi radova, imali bismo nepotreban trošak dovođenja navedenih ulica u pređašnje stanje koje ne odgovara definisanom konačnom izgledu.

Obezbjedenjem dodatnih sredstava iz kreditnog zaduženja i uključenjem istih u rebalans Budžeta izbjeći će se eventualno privremeno uređenja površina, a obezbijedit će se okončanje aktivnosti u cjelini. Konačno, realizacijom projekta će se omogućiti implementacija Urbanističkog projekta "Centar 2" Tešanj (objekat hotela i drugo).

U skladu sa gore navedenim za istu sjednicu Vijeća pripremljen je i prijedlog Izmjena i dopuna Budžeta Općine Tešanj za 2015. godinu kojim se omogućava realizacija planiranih aktivnosti.

S toga se Vijeću predlaže usvajanje ove odluke kojom se obezbjeđuju i neophodna finansijska sredstva za realizaciju projekta.

OBRAĐIVAČ:
SLUŽBA ZA FINANSIJE, PRIVREDU
KOMUNALNE I INSPEKCIJSKE POSLOVE
Hamzaliya Hojkurić, dipl.oec.

PREDLAGAČ:
OPĆINSKI NAČELNIK
Mr. Sc. Suad Huskić, profesor

Broj: 02-02-1-1213/15
Datum: 08.06.2015. godine.